

INUIT ATAQATIGIIT

Inatsisartuni



9. Juni 2021

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

1. **Aasianni Wille Brandtvej-imi, Aqqulluk-mi, Nalunnguarfimmilu inissiat isaterniarpat?**¹
 - a. **Isaterniarpata isaternissaanut pilersaarut qanorittuua?**
 - b. **Inissianik nutaanik sanaartornissaq pilersaarut qanoq ittuua?**
 - c. **Aasiannilu inissarsiortut qanoq amerlatingippat?**

(Kristian Jeremiassen, Inuit Ataqatigiit)

Tungavilersuut:

Inissiat pineqartut aserfallavinnikuupput, nutaanillu taarsertariaqarlutik, ukiukkut nillertangaarmata anorip sammivia malillugu illup nillerpallaarnera ingasattarpoq, allaammi ikkat nateq qerisarput ingalaallu ammarsinnaajunnaarlutik.

Inissiat ukiuni makkunani najungarissallungit tulluannngillat atortulersungaa-nermikkut pittaassutsimikkullu, inissiat qaammammut akisoqaat akiminullu naleqqunnatik taamaammat nutaanik sanaartornissaq pisariaqarpoq piaarnerpaamik inuup peqqissusaanut ulorianarmata inissiat pineqartut najussallugit.

Matut matulluarsinnaangittut pisoqalingaaramik, nateq neeqquluttoq, qalissiat katannikut, ingalaat vat-nik oqorsartariaqartut, ruujorinik milittoortartut, inissiat qalipatassat, list-it ammaannartut, iggaviit emhætteqangittut, wc oqussunnittut, sialloraangallu kusertoqartarluni, ilaatigut inissiani pineqartuni taakkunani tamakkua ajornartorsiutaapput, ineqarfingissallungillu tulluannngilluinnarput.

Taamaammat Aasianni Wille Brandtvej-imi, Aqqulluk-mi, Nalunnguarfimmilu iliuuseqarfingineqartariaqavipput peqqissutsimut ulorianarmata.

Taamaammat paaserusuppara inissiat isaterniarneqarnerisut isaterniarpatalu isaterinissamut pilersaarut qanorittuunersoq paaserusuppara. Aammalu nutaanik taarserneqarniarpata paaserusuppara nutaanik sanaartornissaq qanoq pi-lersaarusioneqarnikuua? Naggataangullu Aasianni inissarsiortut qanoq amerlatinginersut paaserusuppara.

Ullut suliffiusut qulit qaangiutsinnangit akineqarnissara kissaatingivara.

¹ B-912, B-913, B-914, B-915, B-916, B-917, B-918, B-919, B-920, B-921, B-922, B-923, B-950, B-951, B-952, B-953, B-954, B-955, B-956, B-957, B-958, B-959, B-960, B-961, B-962, B-1028, B-986, B-987, B-988, B-989, B-990, B-991, B-992, B-993, B-994, B-995, B-996, B-1001, B-1002, B-1003, B-1004, B-1005, B-1006, B-1007, B-1008, B-1009, B-1010, B-1011, B-1029, B-1030, B-1031, B-1031, B-1032, B-1033, B-1084, B-1085, B-1086, B-1087, B-1088, B-1089, B-1090, B-1091, B-1092, B-1093, B-1094, B-1095, B-1070, B-1071, B1072, B-1034, B-1035, B-1036